



Bygland kommune



Vedtekter for bruk og forvaltning av kraftfond

Vedteke dokument

Kommunestyret PS 94/19, den 06.11.2019

§ 1 Kraftfond - heimel, kapital og avkastning

a. Fondskapitalen er:

Næringsfond (beløp i kroner):

Konsesjon	Beløp
Otteraaens Brugseierforening	1.000.000
Sira-Kvina (Sira-Kvina Kraftselskap)	30.000
Hekni kraftverk (Agder Energi AS)	1.000.000
Overføring av deler av Heisvassdraget til Hovatn (Otteraaens Brugseierforening)	500.000
Byglandsfjordkonsesjonen	15.250.000
Samla fondskapital	17.780.000

b. Avkastning er:

1) Årlege konsesjonsavgifter som vert innbetalt av:

- Sira-Kvina Kraftselskap
- Statkraft Energi AS
- Hydro Vigelands Brug AS
- Otra Kraft DA
- Agder Energi AS

I 2017 var konsesjonsavgiftene på kr 2.893.801. Beløpa står fast inntil NVE gjer vedtak om omfordeling eller ny taksering.

2) Renter og anna avkastning av fondskapitalen gitt ved kongeleg resolusjon.

Alle konsesjonsavgifter, renter og annen avkastning skal takast til inntekt for kraftfondet og må disponerast i samsvar med vedtektene. Fondskapitalen kan ikkje brukast til lån eller tilskot.

Avkastninga kan nyttast til tilskot og til vilkårsbundne lån. Dette er også bekrefta under pkt. 3.2.9 i St. prp. nr. 73 (2001-2002).

§ 2 Formål

Næringsfondet skal fortrinnsvis nyttast til næringsformål, som for eksempel bedriftsstøtte, tilrettelegging for næringsutvikling i regi av kommunen, samfunnsutvikling, ulike typar utviklingsarbeid med meir. Fondet kan også nyttast til kommunale investeringar i varige driftsmiddel.

Det kan ikkje gjevast støtte til sanering av gjeld eller til laupande drift av kommunen, bortsett frå renter og avdrag på investeringar som er gjort i tråd med fondet sitt formål. Unntak er også lønning av nærings sjef, næringskonsulent eller tilsvarande for forvaltning av fondet.

Det kan ikkje gjevast støtte til bedrifter for å dekkje avdrag og renter på lån eller laupande drift, og det bør heller ikkje gjevast støtte til verksemdar som mottek betydelege overføringar over statsbudsjettet.

§ 3 Støtteformer

Støtte kan gjevast i form av lån og tilskot. Vidare vil det kunne stillast garanti for kommunale tiltak i den grad slike er gyldige garantiformål jf. kommunelova § 51, i samsvar med departementet sine forskrifter om høve til å stille kommunal garanti.

I tillegg kan det frå avkastninga gjevast tilskot samt vilkårsbundne lån. Midlane bør ikkje nyttast til aksjeteikning i private bedrifter. Dersom det vert teikna kommunale aksjar, kan ikkje dette utgjere

meir enn 30 % av aksjekapitalen i bedrifta. Denne avgrensinga gjeld ikkje utviklingselskap, utleigebygg o.l. som kommunen etablerer i samarbeid med private interessentar.

§ 4 Forholdet til internasjonale forpliktingar på statsstøtteområdet

Bruken av fondet må vere i samsvar med dei internasjonale regelverk Noreg har slutta seg til på statsstøtteområdet. (Sjå EØS-avtalens regelverk for offentlig støtte, EØS-tillegget til De Europeiske Fellesskaps Tidende nr. 32 av 3. september 1994 med seinare tillegg og endringar).

§ 5 Forvaltning og organisering

Formannskapet er fondsstyre og næringsgruppa, som er samansett av rådmann, næringsansvarleg og éin annan representant frå administrasjonen, fungerer som ein rådgjevande instans. Det er delegert avgjerdsmynde frå fondsstyret til administrasjonen innanfor ei gitt fullmaktsgrense på kr 100.000. Slik mynde kan ikkje gå ut over dei avgrensingar som følgjer av gjeldande lover og reglar, samt dei kommunale og fylkeskommunale budsjett- og regnskapsforskrifter.

Fondsmidlane vert plassert på renteberande konto slik at midlane er disponible til ein kvar tid. Renter og avdrag skal tilbakeførast til fondet. Annan plassering av midlane kan berre gjerast dersom dette ikkje er til hinder for at midlane kan disponerast til ein kvar tid.

Retten til å klage følger av forvaltningsloven.

§ 6 Årsmelding og rapporteringsplikt

Det skal leggjast fram ei melding om fondet si verksemd for kommunestyret kvart år. Dette vil vere ein integrert del av kommunen si årsmelding og rekneskap. Gjenpart av denne meldinga skal sendast fylkesmannen og fylkeskommunen.

§ 7 Godkjenning av vedtekter

Vedtektene kan endrast etter vedtak av kommunestyret. Vedtaket treng godkjenning av fylkesmannen. Kopi av godkjente vedtekter skal sendast fylkeskommunen.